

Inatsisartut aalajangiiffigisassaattut siunnersuutigineqarpoq, Naalakkersuisut ukioq 2017 naatinnagu kaajallaasitamik nutaamik atulersitsissasut pisortat pisiortortarnerat pillugu, tassanilu aamma kiffartuussinerit ilanngullugit naleqqussarneqarnissaa, siunertaralugu neqerooruteqartitsisarnermut inatsisissamut tunngavissiinissaq eqqarsaatigalugu, soorlu tamanna Inatsisartut UPA2015/118-imi akuersarneqarneratigut pisussanngortinneqartoq.
(Inatsisartunut ilaasortaq Mala Høy Kúko, Atassut)

Akissuteqaat

(Aningaasaqarnermut Akileraartarnermullu Naalakkersuisoq)

Siullermeerneqarnera

Inatsisartunut ilaasortaq Mala Høy Kúko Inatsisartut aalajangiiffigisassaattut siunnersuuteqarpoq, Naalakkersuisut ukioq 2017 naatinnagu pisortat pisiortortarnerat pillugu kaajallaasitamik nutaamik atulersitsissasut, matumani kiffartuussinerit ilanngullugit naleqqussarneqarlutik, Inatsisartuni UPA2015-imi immikkoortoq 118-imi akuersissutigineqartumi pisussanngortinneqartoq neqerooruteqartitsinerimut inatsisissamut tunngavissiinissaq siunertaralugu. Siunnersuut taamani ima qulequtaqartinneqarpoq: *“Naalakkersuisut pisortat pisiortortarneranni inatsisitigut, teknikikkut aammalu niuernerpalaarneq eqqarsaatigalugu neqeroortitsinerimi atorineqartartussamik inatsisissatut siunnersuummik saqqummiussinissamut pisussaaffilerneqarnissaannik Inatsisartut aalajangiussassaattut siunnersuut. Inatsisissatut siunnersuutip qulakkiissavaa pisiffigisat assigiimmik pineqarnissaat, neqerooruteqartitsinerimi pisiffissat toqqarneqarneranni sinaakkutissat ersarissuunissaat aammalu neqerooruteqartoqartillugu maalaaruteqarfiusinnaasumik pilersitsisoqarnissaa. Inatsisissatut siunnersuummi aamma pisiffissat toqqarneqarneranni inuiaqatigiit aningaasaqarnerat tamakkiinerusumik qanoq isiginiarneqartassanersut pillugit maleruagassiortoqarnissaa ilaatinneqassaaq.”*

Pisortani aningaasanik atuinerup pitsanngorsarneqarnissaa aammalu allaffissornikkut aningaasartuutit Namminersorlutillu Oqartussani pisiortortarnermut aningaasartuutit annikillisarneqarnissaanik pisariaqartitsineq pillugu, siunnersuuteqartup kajumissaarinera Naalakkersuisut taperserpaat. Namminersorlutik Oqartussat nioqqutissanik kiffartuussinerinillu pisiortortarnerannik malittarisassanik kaajallaasitamik ataatsimik imaluunniit arlalinnik ersarissunik atorsinnaasumik peqarnerup, ineriartorneq taama ittoq qularnaarlugulu siuarsarsinnaavaa.

Aalajangiiffigisassatut siunnersuutip qulaani taaneqartup UPA2015-imi Inatsisartunit akuersissutigineqartup, akuerineqarnerata kingorna kaajallaasitamik nutaamik Naalakkersuisut suliaqarlutik aallartippat. Sulinerup ingerlanerani kaajallaasitaq kaajallaasitanut marlunnut avinneqarpoq: Neqerooruteqarnermut kaajallaasitaq kiisalu pisiortortarnermut kaajallaasitaq.

Neqerooruteqarnermut kaajallaasitassami pilersaarutaasumi pisiortortarnermut atatillugu neqerooruteqarnermut aalajangersakkanik aalajangersaasoqassasoq naatsorsuutigineqarpoq. Matumani tunngaviit soorlu naligiimmik pinnineq paasiuminartuunerlu pingaarnertut atuupput. Kaajallaasitaq neqerooruteqartarnermik iluarsaassasoq assigiisitsissasorlu naatsorsuutigineqarpoq, pilersuisunut soqutiginnittunut pingaarnertut naleqquttumik ilisarnartunillu piumasaqaateqarnissaq siunertarineqarpoq tamatumuunalu unammillernermik annertunerusumik pilersitsisoqarluni.

Pisiortortarnermut kaajallaasitami pilersaarutaasumi Namminersorlutik Oqartussani pisiortortarnerup aaqqissuusaanera aalajangersarneqassasoq naatsorsuutigineqarpoq, tamatumani suliaasaqarfimmi pikkorinnerulernissaq pisariillisaanerlu siunertarineqarlutik. Unammillertitsinerunikkut tamanna pitsaaquteqassaaq kiisalu tamatuminnga suliaqarnermut atatillugu allaffissornikkut aningaasartuutunik millisaassalluni. Kiisalu anguniagaavoq, Naalakkersuisuni allaffissornikkut pisiortortarnermi ataatsimoorussamik suleqatigiittoqarnissaanik kaajallaasitaq siuarsaassasoq.

Malittareqqusat pingaarnerit taakku maanna Naalakkersuisut pisiortortarfiannit tunngavigineqareerput, taamaasilluni misilittakkat tunngaviusut pingaaruteqartut ineriartortinneqarlutik. Misilittakkat tunngaviusut taakku neqerooruteqarnermut inatsimmik, Naalakkersuisut Inatsisartut 2015-imi akuersissuteqarnerat naapertorlugu suliarisaannik, ataatsimiinnermilu aggersumi saqqummiussassatut naatsorsuutigisaannut suliaqarnermut tapertaapput.

Naalakkersuisut siunnersuummik tapersersuissappata, Naalakkersuisut kissaatigaat kaajallaasitami aggersumi nunami namminermit annertunerusumik pisiortornissaq kaammattuutigineqassasoq, matuma ataani siunnersortinik atuinerni, taamaattumik Naalakkersuisut allannguutissatut siunnersuut tulliuttoq saqqummiuppaat:

Inatsisartut aalajangiiffigisassaattut siunnersuutigineqarpoq, Naalakkersuisut ukioq 2017 naatinnagu kaajallaasitamik nutaamik atulersitsissasut pisortat pisiortortarnerat pillugu, tassanilu aamma kiffartuussinerit ilanngullugit naleqqussarneqarnissaa, siunertaralugu neqerooruteqartitsisarnermut inatsisissamut tunngavissiiinissaq eqqarsaatigalugu, soorlu tamanna Inatsisartut UPA2015/118-imi akuersaarneqarneratigut pisussanngortinneqartoq.

Kaajallaasitassami aggersumi ersersinneqassaaq, nioqqtissanik soorlu kiffartuussinernik pisinissamut piareersarnermut atatillugu niuerfinnik misissuinerit aallartinneranni kiffartuussineq nunatsinni pilersuisunit isumagineqarsinnaanersoq tamatigut misissorneqartassaaq. Tassunga atatillugu aalajangersakkanik immikkut ittunik ikkussisoqassaaq, nioqqtissanik kiffartuussinernillu pisiniarnermi avataaneersunik atuinernik annikillisaasinnaasunik.

Taakku tunngavigalugit allannguutissatut siunnersuutip akuerineqarnissaa inassutigineqarpoq.